

О л н ä м т н ä х а н л л т

1957 джил май сарин 25-д доктор Душан Улюмджи Душанович эмч болдж кӧдл-снӧсн авн дӧчн джил болджана. Душан Улюмджи Душанович 1916 джил Саратовск университетин медицинск факультет чилӧчкӧд, хальмгин теегт, хуучна Эрктн äмгт эмчин кӧдлмшӧн эклв.

Хальмг таньгъчд эрӱл-менд харгч отдел бӱрдӧсн улсин негнь доктор Душан бӧӧсмн, терӱнӧ седвӧрӧр Яшкульд, Уттд, Улан-хоолд, Кануковд больниц бӧргдсмн, Элст балгъснд поликлиник бӧргдсмн.

1920 джил, Хальмг таньгъч бӱрдӧлгънӧ туск тӧрмӱд тасл-гдх негдгч съездин делегат болдж доктор Душан орлцсмн, тер съезд деер Владимир Ильич Ленинӧ „Хальмг ах-дӱ-ӱнрт“ гидж нерӧдсн туудж болсн дуудвриг умшдж зарлгд-смн. Хальмг ЦИК-н член бо-лад, таньгъчин эрӱл-менд хар-сгч отделиг доктор Душан тиигхд толгъалсмн.

Гражданск дӧӧнӧ хӧӧн, эн эмчин седвӧрӧр Тинаки гидг курорт ясгддж секгдсмн. Тер курортд Хальмг теегин кӱч-кӧлсчир гемӧн эмнӱлцхӧдг бӧӧсмн.

Кесг олн джилмӱдт, медрл-чидлӧн арвллго, олн äмтнӧ тӧлӧ кӧдлсн доктор Душан, 1956 джилӧс авн пенсд гарч-ксн бӧӧнӧ. Бидн, терӱнӧ багъ ӱӱрмӱднь, эмчин халхар кӧд-лӧд дӧчн джил болсн ӧӧнлӧнь байрлдж йӧрӧджӧнӧвдн, олн джилд äмд менд йовхинь ӱнн седклӧрн эрджӧнӧвдн.

Хальмг интеллигентнр: Букаев Н., Бакаева Б., Бадмаев Д., Дорджиев Б., Коляев С., Мукебенев Д., Корсункиев Ц., Лиджиев Э., Тимошкаева Б., Сян—белгин Х., Элюева Б., Жемчуев П., Эрендже-нов К., нань кесг улс.